



საქართველოს იუსტიციის უმაღლესი საბჭო

ქ. თბილისი № 1/64

“ 17 ” ივნისი 2021 წ.

გ ა ნ კ ა რ ბ უ ლ ე ბ ა

ე. ელიაძის თბილისის საქალაქო სასამართლოს სამოქალაქო საქმეთა კოლეგიის
მოსამართლის თანამდებობაზე გამწესების შესახებ

„საერთო სასამართლოების შესახებ“ საქართველოს ორგანული კანონის 36-ე მუხლის მე-4 და 4¹ პუნქტების საფუძველზე და საქართველოს იუსტიციის უმაღლესი საბჭოს მდივნის თანდართული დასაბუთების შესაბამისად, ეკატერინე ელიაძე 2021 წლის 18 ივნისიდან გამწესდეს თბილისის საქალაქო სასამართლოს სამოქალაქო საქმეთა კოლეგიის მოსამართლის თანამდებობაზე 3 წლის ვადით.

ნინო ქადაგიძე

საქართველოს უზენაესი სასამართლოს თავმჯდომარე
საქართველოს იუსტიციის უმაღლესი საბჭოს თავმჯდომარე

დასახუთება

ეკატერინე ელიაძის თბილისის საქალაქო სასამართლოს მოსამართლის თანამდებობაზე დანიშვნის თაობაზე

„საერთო სასამართლოების შესახებ“ საქართველოს ორგანული კანონის 35-ე მუხლის საფუძველზე საქართველოს იუსტიციის უმაღლესი საბჭოს მიერ 2021 წლის 22 თებერვლის №1/6 განკარგულებით გამოცხადდა მოსამართლეობის კანდიდატთა შესარჩევი კონკურსი საერთო სასამართლოების სისტემაში არსებულ ვაკანსიებზე. მათ შორის თბილისის საქალაქო სასამართლოს სამოქალაქო საქმეთა კოლეგიის მოსამართლის 8 ვაკანტურ თანამდებობაზე.

კანდიდატთა რეგისტრაცია მიმდინარეობდა 2021 წლის 23 თებერვლიდან 9 მარტის ჩათვლით. მითითებულ ვაკანსიაზე დარეგისტრირდა 26 კანდიდატი.

მოსამართლის საქმიანობის შეფასების მართვის დეპარტამენტის მიერ კონკურსში მონაწილე კანდიდატებზე, მათ შორის ეკატერინე ელიაძეზე მოძიებულ იქნა „საერთო სასამართლოების შესახებ“ საქართველოს ორგანული კანონის 35² მუხლით გათვალისწინებული ინფორმაცია, რომელიც იუსტიციის უმაღლესი საბჭოს წევრებს წარედგინათ 2021 წლის 29 მარტს.

კანდიდატის შესახებ მოძიებული ინფორმაცია:

ეკატერინე ელიაძეს აქვს სპეციალობით მუშაობის 8-წლიანი გამოცდილება. იუსტიციის უმაღლეს სკოლაში ჩარიცხვამდე იგი იყო თბილისის საქალაქო სასამართლოს მოსამართლის თანაშემწე.

ეკატერინე ელიაძე იუსტიციის უმაღლესი სკოლის მე-15 ჯგუფის კურსდამთავრებულია.

იუსტიციის უმაღლესი სკოლის დამოუკიდებელი საბჭოს შეფასებით, ეკატერინე ელიაძემ წარმატებით გაიარა თეორიული სწავლების, სტაჟირებისა და სემინარული მუშაობის ეტაპები, წარმატებით ჩააბარა სკოლის დამამთავრებელი გამოცდა. კანდიდატი იყო დისციპლინირებული მსმენელი.

სკოლაში სწავლის პერიოდში მას არ დაკისრებია დისციპლინური პასუხისმგებლობა.

კანდიდატთან გასაუბრება:

საბჭოს წევრების მიერ კანდიდატების შესახებ მოძიებული ინფორმაციის გაცნობის შემდეგ დაინიშნა კანდიდატებთან გასაუბრება. საბჭოს წევრები კანდიდატ ეკატერინე ელიაძეს გაესაუბრნენ 2021 წლის 19 მაისს. გასაუბრება წარიმართა ღია სხდომაზე.

კანდიდატის შეფასება:

2021 წლის 7 ივნისიდან 11 ივნისამდე პერიოდში იუსტიციის უმაღლესი საბჭოს 12-მა წევრმა კანდიდატი ეკატერინე ელიაძე შეაფასა კომპეტენტურობისა და კეთილსინდისიერების კრიტერიუმების მიხედვით.

ეკატერინე ელიაძის კეთილსინდისიერების კრიტერიუმით შეფასებისას, საბჭოს შემფასებელმა 11 წევრმა მიიჩნია, რომ იგი სრულად აკმაყოფილებს აღნიშნულ კრიტერიუმს, ხოლო ერთმა წევრმა მიიჩნია, რომ აკმაყოფილებს.

საბჭოს წევრთა მიერ ეკატერინე ელიაძის კომპეტენტურობის კრიტერიუმით შეფასებისას ამ კრიტერიუმების მახასიათებლების მიხედვით კანდიდატის მიერ მოპოვებულმა ქულათა ჯამმა შეადგინა 991 ქულა, რაც ქულების მაქსიმალური რაოდენობის 82.58%-ია.

კენჭისყრის შედეგები:

2021 წლის 17 ივნისს თბილისის საქალაქო სასამართლოს სამოქალაქო საქმეთა კოლეგიის მოსამართლის მე-2 ვაკანსიაზე ჩატარებული კენჭისყრის შედეგად, რომელშიც მონაწილეობა საბჭოს 12-მა წევრმა მიიღო, ეკატერინე ელიაძემ მოიპოვა 11 ხმა.

აღნიშნულ ვაკანსიაზე ბიულეტენში შეყვანილ იქნა 20 კანდიდატი, მათგან 6 მოქმედი პირველი ინსტანციის მოსამართლე, 1 ყოფილი მოსამართლე და 13 იუსტიციის უმაღლესი სკოლის ყოფილი მსმენელი, კერძოდ:

- | | |
|-----------------------------------|---------------------------------|
| 1. ბუგაიანიშვილი ვალერიან - 0 ხმა | 11. კაპანაძე თორნიკე - 0 ხმა |
| 2. გზირიშვილი ალექსანდრე - 0 ხმა | 12. კაჭაშვილი ლიანა - 0 ხმა |
| 3. გოგატიშვილი დიანა - 0 ხმა | 13. მაკარაძე დავით - 0 ხმა |
| 4. გოცირიძე კობა - 0 ხმა | 14. მამაცაშვილი ქეთევან - 0 ხმა |
| 5. დუგლაძე ქეთევან - 1 ხმა | 15. ტყეშელაშვილი ირინე - 0 ხმა |
| 6. ელიაძე ეკატერინე - 11 ხმა | 16. ტყეშელაშვილი რომეო - 0 ხმა |
| 7. ენუქიძე ნინო - 0 ხმა | 17. ფორჩხიძე ვიოლეტა - 0 ხმა |
| 8. თოდუა უჩა - 0 ხმა | 18. ყოლბაია ლევან - 0 ხმა |
| 9. თუნაური გიორგი - 0 ხმა | 19. ჭილაია კოტე - 0 ხმა |
| 10. კალანდაძე თეა - 0 ხმა | 20. ჯავახიშვილი მაია - 0 ხმა. |

დასკვნა:

კანდიდატ ეკატერინე ელიაძის კეთილსინდისიერების და კომპეტენტურობის კრიტერიუმების გათვალისწინებით, კენჭისყრის შედეგების საფუძველზე, სხვა კანდიდატებთან შედარებით უპირატესობა მიენიჭა და შესაბამისად თბილისის საქალაქო სასამართლოს სამოქალაქო საქმეთა კოლეგიის მოსამართლის თანამდებობაზე 3 წლის ვადით განწესდა ეკატერინე ელიაძე.

ნიკოლოზ მარსაგიშვილი
საქართველოს იუსტიციის
უმაღლესი საბჭოს მდივანი

